

迫數日而猝得輕疾。未歷一旬。暴死於逆旅之舍。匆忙之中。藁葬於殊俗之土。禪刹之側。豈獨不獲世稀之報。又既遇世稀之厄。何哉。吾不能以此自喻於懷。以為死者有知。亦將有不<sub>レ</sub>安於地下者耶。既而深思。徐察久之。然後渙然水釋。怡然理順。今為<sub>レ</sub>遼路道之。君子之道。可以處常又可處變。苟知處常不知處變。以器則小以識則卑。豈可與語君子之道哉。夫死矣而不薄葬常也。至其亡財而力不能。則斂手足形。孔子許之。使土親膚可也。況未至此者乎。夫葬矣。而於先塋常也。至其臨難而義不免。則戰陣無勇。會子非之。骨曝沙礫可也。況未至此者乎。是故君子不遇變則已。不幸遇變。則所遇而安無擇乎地。其心豈不曰。死生禍福命也。吾知順受而已。豈有他乎。此君子所貴於聞道也。遼路平生好學敏而篤信。今於此言也。其將神聽靈感而自得乎冥々之中。庶足以慰魂魄而無恨矣。吾與遼路交分匪淺。其所以為<sub>レ</sub>此不得已之言者。故舊之情不忍死之也。雖然九原不可作。死者不可活。吾所為<sub>レ</sub>遼路致誠而酬當日之知者。今止於斯矣。嗚呼哀哉。

余友小寺遼路、俗稱市郎右衛門、字與義、別號克齋。去

蓋聞世有非常之君。而後有非常之臣。我前田公之創基於北陸三州也。橫山氏輔翼之功。不為不多矣。所謂非常之臣者有焉。橫山氏姓小野。譜系出自敏達帝。中葉武藏守義隆。居江州橫山。遂以為氏。府君諱長隆。俗字清三郎。稱半喜。永祿十年丁卯某月某日。生於其采地美州多藝郡直江莊。天正十年壬午。赴越前州府中。而下次子長知事贈亞相公。長知時十五歲。府君為人忠直剛毅。故公禮遇日加。國政軍事莫不與焉。十一年癸未。夏四月二十一日。豐相國與柴田勝家戰于江北柳瀨。府君與長知從公張陣於一面。府君為掌旌旗。我軍不利。於是府君嚴建旗鼓。而勇氣不撓。敵兵為之辟易不進。少焉敵察我兵不多。爭前急擊。府君把鎗苦戰。立殺數人大被創而死。年四十五。遂葬于江州中鄉吉祥菴丘。菴隸同州管並洞壽院。府君歿後。稱長隆院松山峰祝居士。府君娶杉氏。有子四男三女。伯曰長秀。仲曰長知。叔曰長忠。季曰常隆。長女適與村易英。次女適家臣齋藤氏。季女適家臣伊藤宗喜。長秀初為美州丸毛不心養子。後來加州松任。事贈亞相公。越中州鳥越之役先登接鎗。爾後處々有戰功。賜祿九千餘石。有命從黃門公之加州小松。後處

年秋東都詰番、健候にて當年七月廿七日於本郷邸内之寓舍俄然として逝矣。享年四十五歲。瓜期既到。同職與村半兵衛一二日の内可參着の處、疫氣感冒終不起。右二篇者享保癸丑秋九月。鳩巢先生為我亡友遼路而撰述之者也。遼路字與義。嘗稱克齋。去歲七月祇役東都。瓜期既至將歸前三日。七月二十七日俄然卒于偶舍。年纔四十五矣。有三男子。長年甫十四。次十三。次十二。余於遼路也。不唯有通家之好學同師門。交存道義。惟余之不敏。將望其輔仁之益。而遽棄我而逝矣。嗚呼哀哉。歲十月。先生二篇之作。遠與余觀之。顧他人讀之。猶且不勝哀惜希慕之情焉。而況於其子孫者乎。愚謂。今也三子雖幼無知。然異時立志於文學。專意於贊述。則未必不感發與起於斯篇矣。是故謹謄焉。且加數言於篇末。以貽其家而藏之。蓋供他日之左券云。

享保十八年癸丑。冬十一月二十七日。凌新齋主人青地禮幹貞叔甫識。

一、橫山半喜府君碑銘

賀藩 中泉祐信思順撰

守大聖寺城。明年病卒。無子。以弟長知三子長治為嗣。世世蔭襲。長知為人聰敏不凡。七歲入丹州永谷山園通禪寺而學字讀書。十五歲辭業。來越前事贈亞相公。父戰死之時。獨殿衆軍。短兵急接。反擊敵數。四斬其驍騎。贈亞相公。親視屢稱其勇。遂為府君家督。是為第二世。後能州末森。越中鳥越。豐前岩石。野州松枝。武州八王子。及攝州大阪之役。功績甚多。故累加秩領三萬石。屢奉謁神祖台廟。台廟賞長知之功。贈黑印御書。時有獻則有賜。嘗徵次子興知於幕府。長知為朝散大夫山州刺史。歷事贈亞相公。黃門公。次將公。宰相公四世。執國政。功名聞于四方。正保三年丙戌春正月二十一日。病卒于金澤私第。年七十九。長忠從兄長知於關左之役。處々立戰功。後事贈亞相公。公之攻山口宗永也。長登於大聖寺城金丸而戰死。不幸無嗣。常隆亦多武功。事贈亞相公。賜二千八百石。傳家至今。長知娶前田氏長種女。有子七男七女。長曰康玄。事贈亞相公。大阪冬夏之役。從黃門公。為第二陣隊長。娶今枝氏直恒女。康玄先父卒。故不繼家。次曰興知。事台廟。從大阪兩度之役。次曰長治。事贈亞相公。從大阪兩度之役。次曰兼知天。次曰守知。次曰雅知。